

四庫全書

集部

欽定四庫全書

集部
古詩紀卷二

詳校官檢討

臣德生

侍讀

臣孫球覆勘

總校官知縣

臣

楊懋珩

校對官中書

臣

李斯咏

謄錄監生

臣

朱坦

欽定四庫全書

集部八

古詩紀

總集類

提要

臣等謹案古詩紀一百五十六卷明馮惟訥撰惟訥字汝言臨朐人嘉靖戊戌進士官至光祿寺卿其書前集十卷皆古逸詩正集一百三十卷則漢魏以下陳隋以前之詩咸在焉外集四卷采仙鬼之作別集十二卷則

前人論詩之語也時代繇長采摭繁富其中
真偽錯雜以及牴牾舛漏所不能無故馮舒
作詩紀匡謬以糾其失然上薄古初下迄六
代有韻之作無不兼收溯詩家之淵源者不
能外是書而他適固亦採珠之滄海伐木之
鄧林矣厥後臧懋循古詩所張之象古詩類
苑梅鼎祚八代詩乘相繼而出總以是書為
藍本然懋循書雖稱補此書之闕而摭拾繁

猥珠礫混淆又割裂分體不以時代為次使
閱者茫無端緒不能得其正變源流之象書
又以題編次竟作類書僅漢魏全錄晉宋以
下皆從刪節已非完備之觀而所載漢魏詩
中如蘇武妻詩之類至今為藝林之笑故獨
惟訥此編為詩家圭臬初太原甄敬為刊板
於陝西一依惟訥原次而削刪甚拙復間有
舛訛此本為吳琯等重刊雖去其前集正集

外集別集之名合併為一百五十六卷而次第悉如其舊較讐亦較甄本為詳故今從吳本錄之不復別分門目惟訥別有風雅廣逸十卷核其所載即此編之前集蓋初輯古逸諸篇先刊行世後乃續成漢魏以下併為一編實非有二今惟別存其目而其書則不複錄焉乾隆四十六年正月恭校上

總纂官

紀昀

陸錫熊

孫士毅

總校官臣陸費墀

古詩紀原序

右詩紀前集十卷詩紀百三十卷外集四卷詩話及識
遺為別集十二卷北海少洲馮先生所纂輯也先生以
雋才大雅高步一時見世之為詩者多根柢于唐解能
窮本知變以窺風雅之始乃溯隋而上極于黃軒凡三
百篇之外逸文斷簡片辭隻韻無不具焉秦漢而下詞
客墨卿孤章浩帙樂府聲歌童謠里諺無不括焉七略
四部之所鳩藏齊諧虞初之所志述無不蒐焉始事于

甲辰之冬集成于丁巳之夏歲凡十四稔先生宦跡且徧四方矣遇通儒博士無不出而訂焉驟見之編郡邑之載金石之刻無不取而覈焉嗚呼先生之加意斯篇其可謂勤且篤矣方甲辰始事先生時守河中維與分讐之列茲當告成敢續言于末簡曰詩之道尚矣夫人哀樂之心感而歌詠之聲發永言嗟嘆成文諧音蓋自結繩之代已固然矣然情以人生文由代變古詩自宣尼刪後罕有存者其軼文略備于斯是以質文之變莫

得而詳焉漢風所宗造端蘇李東京揚其流波建安備
其氣質逮于江左托意虛玄繼以齊梁綺縟陳隋輕艷
而詩之變極矣中間作者若張蔡曹劉潘陸顏謝江沈
徐庾莫不虎視蛟騰抗心特異思以駕前賢之逸軌障
當世之頽瀾然而繁音曲節每變益工品格風標沿時
遞下豈所謂聲音之道關乎世運者耶代歷既遐流風
寢沫後之學者莫得涉其津涯先生于是會萃遺失哀
為成書詩以人系人以代分代以時次火齊明月的樂

錯陳鏞磬祝啟翕如並奏使藝林之士因詩考人因人
論世得以繹祖述之淵源第古今之優劣獵皇王之菁
華而窮性術之變化也豈不偉哉明興詩人承宋元餘
習頗乏遠調弘治間北地李先生獻吉始以唐風為天
下倡一時人士宗之文體一振焉及其敝也株守名家
矜其學步千金享帝斯不遠覽之過爾余故謂先生是
編之集大有功于雅道云承事郎河中張四維撰

古詩紀凡例

一是編原以古逸為前集漢魏以至陳隋為正集似覺牽合今取古逸與各代之名與數疏之於首而以詩紀卷數統之於下竊取刻史記國語之例

一是編馮公擴撫有年幾乎無遺矣然有未覩諸書如古今風謠等及金石中流傳於世者間有未盡

今別輯一編曰拾遺以附于後

一是編刻於關中刻既不佳校多遺誤今悉取馮公

引用諸書酌量改易至有彼此俱不可解者姑且存疑不敢妄加臆見也

一如以東昏時歌誤置北齊紀中又以長壽誤為隋年而隋紀收鄭蜀賓之類今但附注其誤於下不敢輒為刪去

一諸人集中附載賡答之作今取特列寥寥數語亦以存一時作者之名

一目錄原分於各代之前然而卷帙既殊考索不易

今則統列於前

一上古迄秦以箴銘頌誄備載與後例頗不同又古作者多不詳名氏今故以類分凡為類十一為卷

十

以下悉是
馮公舊例

一漢以後篇什廣矣觀史傳所載歷代作者其集動若干卷今所錄千百之一爾將以著詩體之興革觀政俗之升降資文園之博綜羅古什之散亡故備錄之不暇選擇若必云本道德之旨叶風雅之

音叅校論叙成一家之書尚有望於大雅君子焉
一樂府所載晉宋以後郊廟燕射樂歌舊輯詩者咸
析入各家集內然此乃一代之典章非一人所得
專也且其作之有宮徵其肄之有條貫似不宜分
置今悉依郭茂倩舊次總列各代之末而以作者
名氏系之題下云

漢魏郊廟歌不多而無燕射
之樂且已刊布今不更易也

一鼓吹曲辭舞曲辭凡奏之公朝列在樂官者亦
如前例編錄於郊廟燕射之後其自相擬作不入

樂府者仍存本集

一漢以後詩人先帝王次諸家以世次為序次爵里
無考者次方外次閨秀次無名氏

一詩人有歷數朝者從其所終之代若一人止一詩
而知其為何時之作則從其作詩之代操懿為魏
晉之祖故以冠二代不稱帝者未即位且非正也
嵇阮入魏淵明入晉前賢已有定論至於劉昶蕭
綜之奔魏蕭祗之奔齊蕭撝之歸周背本入夷咸

夷之矣其他亡國為俘有可傷者焉

一作者氏系歷履行誼封謚俱查史傳書其要略著於名氏之下庶觀者有考焉

一詩人有名氏而不知世代及樂府無名氏詩不可考其為何代之作者別為一卷附於末

一各家成集者編法先樂府次詩各分四言五言六

言七言雜言齊梁以下諸體漸備

如四韻者律也二韻者絕句也

又有三韻謂之半體

今各以體相從而諸體之中又各以類

相附

一人詩止數首者不能盡如此例或分其體裁要在均調倫類而已

一藝文類聚初學記所載詩多係摘句今擇其闕文

詩各載於後其雖似闕略猶能成章者仍存正集

闕疑也

闕文詩亦有附從各體之後者

一各史列傳所載詩全文者入正集闕文者入別集

曰志遺

一詩互見各書而所載詩人名不同者擇其有證據者從之題下注云某書作某人今從某書作某人

若無所考訂則二處並存之於甲乙互箋見所出之籍

一詩數見而句字不同者叅校其義稍長者為正文餘分注其下云一作某或某書作某

一聯句詩舊見某人集者因之同賦諸人集中不復錄也

一藝文類聚初學記二書所載其詩題明白者則仍其題如曹植鬪雞陳琳宴會之類亦有引詩不明

著其題則止云闕題題下注見某書某部庶不失

作者之意

如王粲從軍詩而藝文載遊覽部劉楨贈從弟而載松部明帝猛虎行而在桐

部後人皆因其分部為題誤矣

欽定四庫全書

古詩紀卷一

明 馮惟訥 撰

古逸第一

歌上

彈歌

吳越春秋曰越王欲謀復吳范蠡進善射者陳音楚人也越王請音而問曰孤聞子善射道何所生音曰臣聞弩生于弓弓生于彈彈起于古之孝子不忍見父母為禽獸所食故作彈以守之歌云云○劉勰云黃歌斷竹實之至也又曰斷竹黃歌乃二言之始○黃黃帝也

斷竹續竹飛土逐穴

穴古肉字今吳越春秋作害非

皇娥歌

王子年拾遺記曰少昊以金德王母曰皇娥處璇宮而夜織或東桴木而晝遊經歷窮桑滄茫之浦時有神童容貌絕俗稱爲白帝之子即太白之精降乎水際與皇娥讌戲竝坐撫桐峯梓瑟皇娥倚瑟而清歌云云白帝子答歌云云及皇娥生少昊號曰窮桑氏

天清地曠浩茫茫萬象迴薄化無方
滄天蕩蕩望滄滄
乘桴輕漾著日傍當期何所至窮桑
心知和樂悅未央

白帝子歌

四維八埏眇難極
驅光逐影窮水域
璇宮夜靜當軒織
桐峯文梓千尋直
伐梓作器成琴瑟
清歌流暢樂難極
滄湄海浦來棲息

擊壤歌

帝王世紀曰帝堯之世天下太和百姓無事有八
九十老人擊壤而歌○風土記壤以木為之前廣
後銳長三四寸形如履臘節童少以為戲分部如
摘博藝經云長尺四間三寸將戲先側一壤于地
遂于三四十步以手中壤擊
之中者為上古野老戲也

日出而作日入而息
鑿井而飲耕田而食
帝何力於我

哉

力字為韻一作帝力於我何有哉

箕山歌

古今樂錄曰許由者古之貞固之士也堯時為布衣以清節約聞於堯堯乃遣使禪為天子由喟然歎曰匹夫結志固如磐石採山飲河所以養性非以貪天下也堯既殂落乃作箕山之歌云云○博物志曰司馬遷云無堯以天下讓許由事揚雄亦云誇大者為之

登彼箕山兮瞻望天下

古音虎

山川麗崎萬物還普日月

運照靡不記睹游放其間何所却慮

叶

歎彼唐堯獨自

愁苦勞心九州憂勤后土謂予欽明傳禪易祖我樂何

如蓋不盼顧河水流兮緣高山叶甘瓜施兮葉綿蠻叶

高林肅兮相錯連居此之處傲堯君叶

虞帝歌

虞書帝庸作歌曰敕天之命惟時惟幾乃歌云云
率陶拜手稽首颺言曰念哉率作興事慎乃憲欽
哉屢省乃成欽哉乃賡載歌云云○史記以敕天
之命二句作歌辭風雅逸篇曰乃歌曰乃者繼事
之辭歌已
復歌曰乃

股肱喜哉元首起哉百工熙哉

臯陶賡歌

賡即古文續
字見說文

元首明哉股肱良哉庶事康哉

臯陶又歌

史記作舜
又歌曰

元首叢脞哉股肱惰哉萬事墮哉

卿雲歌

三章
○王
海逸詩

樂府集載尚書大傳云舜將禪禹於是俊乂百工
相和而歌卿雲帝唱之八伯咸進稽首而和帝乃
再歌○尚書大傳曰維五祀奏鍾石論人聲乃及
鳥獸咸變於前秋養耆老春食孤子乃淳然招樂
興於大麓之野報事還歸二年謨然乃作大唐之
歌歌者二年昭然乃知乎王世明有不世之義招
為賓客而雍為主人始奏肆夏納以孝成舜為賓
客而禹為主主人樂正進贊曰尚考大室之義唐為

虞賓至今行於四海成禹之變垂於萬世之後帝
乃唱之云云八伯咸進稽首云云帝乃載歌云云
於時八風循道卿雲叢藂鰐龍愜信於其藏蛟龍
躍踴於其淵龜龍咸出於其穴還虞而事夏也

卿雲爛兮

紉今諸本作禮誤

縵縵兮日月光華旦復

一作或

旦兮

八伯歌

明明上天

叶

爛然星陳日月光華弘于

樂書作宏予

一人

帝乃載歌

日月有常星辰有行

叶

四時順經

叶

萬姓允誠

叶

於予

論樂配天之靈

叶

遷于賢善

一作聖

莫不咸聽

叶

襲乎鼓

之軒乎舞之菁華已竭褰裳去

叶上聲

之

塗山歌

吳越春秋曰禹年三十未娶行塗山恐時之暮失其度制乃辭云吾娶也必有應矣乃有白狐九尾造於禹禹曰白者吾之服也九尾者王之號也於是塗山之人歌之禹因娶塗山謂之女嬌

綏綏白狐九尾龐龐我家嘉夷來賓為王成子室家我

都攸昌

一作成家成室我造攸昌

天人之際於茲則行

叶

明矣哉

呂氏春秋曰禹年三十未娶行塗山有白狐九尾造禹塗山人歌曰綏綏白狐九尾龐龐成子室家乃都攸昌禹遂娶之

五子歌

五章

夏書太康尸位以逸豫滅厥德黎民咸貳乃盤游
無度畋于有洛之表有窮后羿因民弗忍距于河
厥弟五人御其母以從僕于洛之
汭五子咸怨迷大禹之戒以作歌

皇祖有訓民可近不可下民惟邦本本固邦寧予視天
下愚夫愚婦一能勝予一人三失怨豈在明不見是圖
予臨兆民懍乎若朽索之馭六馬為人上者奈何不敬
訓有之內作色荒外作禽荒甘酒嗜音峻宇雕牆有一
于此未或不亡

惟彼陶唐有此冀方今失厥道

左傳作行

亂其紀綱乃底滅

七

明明我祖萬邦之君有典有則貽厥子孫

叶

關石和鈞

王府則有荒隆厥緒覆宗絕祀

叶養里反

嗚呼曷歸予懷之悲萬姓仇予予將疇依鬱陶予予心
顏厚有怛怛弗慎厥德雖悔可追

夏人歌

韓詩外傳云桀為酒池糟隄縱靡靡之樂
一鼓而牛飲者三千人羣臣皆相持而歌

江水沛

叶

兮舟楫敗

叶

兮我王廢兮趣

音促

歸於薄

一作毫

薄亦大兮

樂兮樂兮四牡蹻

叶

兮六轡沃

叶

兮去不善而從善何

不樂兮

尚書大傳曰夏人飲酒醉者持不醉者不醉者持醉者而歌曰盍歸乎薄薄亦大矣伊尹退而

更曰覺兮較兮吾大命格兮去不善而從善何不樂兮薄湯之郛也

麥秀歌

二見

史記箕子世家云箕子朝周過故殷墟感宮室毀壞生禾黍箕子傷之欲哭則不可欲泣為其近婦人乃作麥秀之詩以歌之云云○琴集傷殷操微子所作也尚書大傳亦云微子作

麥秀漸漸兮木黍油油

古音又

彼狡童兮不與我好

叶許候反

兮

見史記

麥秀蘄蘄

蘄麥芒也

禾黍油油彼狡童兮不我好仇

見尚書大傳

採薇歌

史記曰武王已平殷亂天下宗周而伯夷叔齊耻之義不食周粟隱於首陽山採薇而食之及餓且死而作歌云云○琴集作採薇操亦曰晨遊高舉

登彼西山兮採其薇矣以暴易暴兮不知其非矣神農

虞夏忽焉殒兮我適安歸矣吁嗟徂兮命之衰矣

史記伯夷

傳賸軼詩可異
焉即此詩也

哀慕歌

古今樂錄曰周太伯者太王之長子也太王有子
三人太伯虞仲李歷李歷之子昌即文王也太王
寢疾欲傳季歷以及昌於是太伯與虞仲去被髮
文身託為王採藥後聞太王卒還葬喪哭於門示
夷狄之人不得入王庭季歷謂太伯長子也當立
垂涕而留之終不肯止遂委而去適於吳是後季
歷作哀慕
之歌章曰

先王既徂長實

允音

異都哀喪腹心未寫中懷

懷音窠街
波傳人知

其一不知其他子生三
年然後免於父母之懷

追念伯仲我季如何梧桐萋萋

生于道周

周淳于切三國志李興表孔明問文漢高歸

冀影響之有餘

宮館

風雅逸篇作舒云舒古榭字一作觀

徘徊臺閣既除何為遠

去使此空虛支骨離別垂思南隅瞻望荆越涕淚交流
伯兮仲兮逝肯來遊自非二人誰訴此憂

夢歌

一作瓊
現歌

左傳曰聲伯夢涉洹或與已瓊現食之泣而為瓊
現盈其懷從而歌之云云懼不敢占也還自鄭至
於狸眠而占之曰余恐死故不敢占今衆
繁而從余三年矣無傷也言之至暮而卒

濟洹之水贈我以瓊瑰歸乎歸乎瓊瑰盈吾懷乎

叶

去魯歌

一作師乙歌

史記曰孔子相魯齊人遺女樂季桓子受之三日不聽政郊又不致膳俎於大夫孔子遂行宿乎屯而師已送曰夫子則非罪孔子曰吾歌可夫歌云云桓子聞之曰夫子罪我以羣婢故也○史記樂書仲尼正樂以誘世作五章以刺時索隱曰孔子詩曰優哉游哉聊以卒歲此五章之刺

彼婦之口可以出走彼婦之謁可以死敗

叶蒲蓋反蓋家語

字優哉游哉維

家語作聊

以卒歲

王肅曰言婦人之口請謁足以憂使人死敗故可以

出走也任不遇故且優游以卒歲

臨河歌

見水經注

孔子適趙臨河
不濟歎而作歌

狄水衍兮風揚波

叶班
康反

舟楫顛倒更相加

叶居
反

歸來歸

來胡為斯

狄水名在臨
濟舊作狄誤

楚聘歌

一作大
道歌

孔叢子曰楚王使使奉金幣聘夫子宰予冉有曰
夫子之道至是行矣遂請見問曰太公勤身苦志
八十而遇文王孰與許由之賢子曰許由獨善其
身者也太公兼利天下者也然今世無文王雖有
太公孰能識之乃歌
曰○楚王昭王也

大道隱兮禮為基
賢人竄兮將待時
天下如一兮欲何

之

丘陵歌

陸賈新語作丘公陵歌

孔叢子曰哀公使以幣如衛迎夫子而不能賞故夫子作丘陵之歌○註言昏主之道難且險若丘陵然故作是歌以託意

登彼丘陵窈窕其阪

窈窕崎嶇也丘陵既高且險其阪又崎嶇相屬丘陵謂王室也阪指

諸侯仁道在邇一作近

求之若遠遂迷不復自嬰屯蹇喟然

迴慮題彼泰山

題顧也泰山謂魯也言歷諸國既無所用復顧魯

鬱確其高梁

甫迴連枳棘亢路陟之無緣將伐無柯患茲蔓延惟以

永歎涕實潺湲

言公室既鬱確而險大夫又亂如枳棘欲伐去又無斧柯梁甫太山之下小山

指三桓也

蟪蛄歌

詩舍神霧曰孔子歌云云政尚靜而惡諱也

遶山十里蟪蛄之聲猶尚在耳

鷓鴣歌

衡波傳有鳥九尾孔子與子夏見之入以問孔子曰鷓鴣也子夏曰何以知之孔子曰河上之歌云云

○羅端良曰鷓鴣警霜鷓鴣警露

鶴兮鵠兮逆毛衰兮一身九尾長兮

孤鵠歌

類要曰孔子遊于隅山見取薪而哭長梓上有孤鵠乃承而歌之

駢彼鳴鵠在巖山之唵

叶其淹反

獲麟歌

孔叢子曰叔孫氏之車子鉏商樵於野而獲麟焉衆莫之識以為不祥棄之五父之衢冉有告曰膚身而肉角豈天之妖乎夫子往觀焉泣曰麟也麟出而死吾道窮矣乃歌云

唐虞世兮麟鳳遊今非其時來何求麟兮麟兮我心憂

曳杖歌

一作夢奠歌
亦見家語

檀弓曰孔子蚤作負手曳杖消搖於門歌云云既歌而入當戶而坐子貢聞之曰泰山其頽則吾將安仰梁木其壞哲人其萎則吾將安放遂趨而入夫子曰予疇昔之夜夢奠於兩楹之間夫明王不興而天下其孰能宗予予殆將死也蓋寢疾七日而終

泰山其頽乎梁木其壞

叶

乎哲人其萎乎

原壤歌

禮記檀弓曰孔子之故人曰原壤其母死夫子助之沐槨原壤登木曰久矣子之不託於音也歌云云夫子為弗聞也而過之○或曰此即射義所謂鯀首逸詩也

狸首之斑

叶卑連反

然執女手之卷然

狸首之斑言木文之華也卷與拳同如執

女手之拳言沐柳之滑膩也

南蒯歌

一作鄉人飲酒歌

左傳曰魯昭公十二年季平子立而不禮於南蒯南蒯以費叛將適費飲鄉人酒鄉人或歌云云○

南蒯遺之子季氏費宰

我有圃生之杞乎從我者子乎去我者鄙乎倍其鄰者

耻乎已乎已乎非吾黨之士乎

圃以殖蔬菜枸杞非可食之物圃不宜生以喻

蒯也從我謂為魯不去也子男子之美稱鄙親也已乎決絕之辭也

成人歌

禮記檀弓曰成人有其兄死而不為衰者聞高子臯為成宰遂為衰成人歌曰

蠶則績而蟹有匡范則冠而蟬有綏兄則死而子臯為之衰

成魯邑名匡蟹背殼似匡也范蜂也綏謂蟬喙長在腹下此蟹兄死者其哀之不為兄也

黃鵠歌

列女傳曰魯陶嬰者陶明之女也少寡養幼孤無彊昆弟紡績為產魯人或聞其義將求焉嬰聞之恐不得免乃作歌明己之不更二庭也魯人聞之遂不敢復求

悲夫黃鵠之早寡兮七年不雙

叶

宛頸獨宿兮不與衆

同夜半悲鳴兮想其故雄天命早寡兮獨宿何傷寡婦
念此兮泣下數行嗚呼哀哉兮死者不可忘飛鳥尚然
兮況於貞良雖有賢雄兮終不同行

宋城者謳

即華元歌

左傳鄭公子受命於楚伐宋宋華元樂呂御之戰
於大棘宋師敗績因華元獲樂呂宋人以兵車百
乘文馬百駟以贖華元於鄭半入華元逃歸宋城
華元為植巡功城者謳以譏之華元亦作歌使驂
乘者答之役人又復歌之○宣公二年

睥其目皤其腹棄甲而復于思于思

音腮或如字
則來叶恭

棄甲

復來

叶暉出目也幅大腹也
于思多鬚貌思古腮字

驂乘答歌

牛則有皮

叶蒲波反

犀兕尚多棄甲則那

那猶何也雖棄甲何害

役人又歌

從其有皮

叶

丹漆若何

言雖有皮無丹漆亦不能成甲也豈可棄之哉

澤門之皙謳

一作築者歌

左傳宋皇國父為太宰為平公築臺於門妨於農
敗子罕請俟農功之畢公弗許築者謳曰○襄公

十七年

澤門之哲實興我役邑中之黔

音琴

實慰我心

澤門宋東城南門也

皇國父白哲而居近北子罕黑色而居邑中

野人歌

左傳宋朝與衛夫人南子會于洸野人歌之

既定爾婁豬

古音遮

盍歸吾父玃

婁豬求子豬以喻南子父玃喻宋朝父老也玃

音加壯豕也

烏鵲歌

二首見彤管集一作青陵臺歌見九域志止前一首

韓憑戰國時為宋康王舍人妻何氏美王欲之捕舍人築青陵臺何氏作烏鵲歌以見志遂自縊死

南山有烏北山張羅烏自高飛羅當奈何

烏鵲雙飛不樂鳳凰妾是庶人不樂宋王

韓憑妻答夫歌

其雨淫淫河大水深日出當心

康王得書以問蘇賀賀曰雨淫淫愁且思也河

水深不得往來也日當心有死志也俄而憑自殺妻亦死

飯牛歌

三見一作南山歌

淮南子曰甯越欲干齊桓公困窮無以自達於是為商旅將任車以商於齊莫宿於郭門外桓公郊迎客夜開門辟任車爝火甚衆越飯牛車下擊牛角而疾商歌桓公聞之曰異哉非常人也命後車

載之因授以政○越一作戚綢笑外稿云此歌不
類春秋時人語蓋後世所擬者高誘註呂氏春秋
謂戚所歌乃詩碩鼠之辭雖未見所據亦可驗南
山白石之歌誘初未之見也然其辭亦激烈足以

人動

南山斫

音岸叶
魚戰反

白石爛

叶郎
旬反

生不逢堯與舜禪短布單

衣適至骨

音幹叶
同斫

從昏飯牛薄夜半

叶彼
卷反

長夜漫漫何

時旦

叶都
卷反

滄浪之水白石粲中有鯉魚長尺半弊布單衣裁至骨

清朝飯牛至夜半黃犢上坂且休息吾將捨汝相齊國

出東門兮厲石斑上有松柏青且闌麤布衣兮緼縷時
不遇兮堯舜主牛兮努力食細草

叶胜五反

大臣在爾側吾

當與爾適楚國

此首見劉向別錄

齊民歌

見藝文類聚

齊桓公飲酒醉遺其冠耻之管仲曰公不雪之以政公曰善因發倉賜貧窮三日而民歌之曰

公胡不復遺其冠乎

齊臺歌

晏子春秋曰景公起大臺之役歲寒不已國人望晏子晏子見公廼坐飲酒樂晏子曰君若賜臣臣

請歌之歌曰庶民之言云云歌終喟然流涕公止之曰子殆為大臺之役夫寡人將速罷之

凍水洗我若之何太上靡散

古轉入銑

我若之何

廣文選載此詩曰庶

民之餒我若之何奉上靡弊我若之何

穗歌

晏子春秋曰景公為長康康舍也將欲美之有風雨作公與晏子入坐飲酒致堂上之樂酒酣晏子作歌云云歌終顧而流涕張躬而舞公遂廢酒罷役不果成長康

穗乎不得獲秋風至今殫零落風雨之弗殺

叶所也

太

上之靡弊也

齊役者歌

晏子春秋曰景公築長康之臺晏子侍坐觴三行晏子起舞舞云云舞三而涕下沾襟景公慙焉為之

罷長康之役

歲已暮矣而禾不獲

叶胡化反

忽忽矣若之何歲已寒矣而

役不罷悒悒矣如之何

萊人歌

左傳哀公五年秋齊景公卒冬十月公子嘉公子駒公子黔奔衛公子鉏公子陽生來奔萊人歌之

景公死乎不與埋

叶陵之反

三軍之士乎不與謀

叶謨杯反

師乎

師乎何黨之乎

師衆也黨所也之往也此哀羣公子失所

齊人歌

左傳魯哀公二十一年公與齊侯邾子盟於顧齊人責稽首因歌之○責十七年齊侯為魯公稽首

不見

魯人之皐

叶居號反

數年不覺

去聲

使我高蹈唯其儒書以為

二國憂

叶衣虛反○皐緩也高蹈猶遠行也言魯人皐緩數年不知答齊稽首使我高蹈來為此會二

國齊邾也言魯據周禮不肯答稽首令齊邾遠至

采芑歌

史記田常成子與監止俱為左右相相齊簡公田常心害監止監止幸於簡公權弗能去於是田常復脩釐子之政以大斗出貸以小斗收齊人歌之

嫗乎菜芭歸乎田成子

劉知幾史通曰田常見在而遽呼以諡此之不實昭然可見

彈鋏歌

三章○一作長鋏歌

史記孟嘗君傳馮驩見孟嘗君居傳舍十日孟嘗君問傳舍長曰客何所為答曰馮先生甚貧惟有一劍耳又劍維彈其劍而歌云云孟嘗君還之幸舍食有魚矣五日又問傳舍長答曰客復彈劍而歌云云孟嘗君還之代舍五日孟嘗君復問傳舍長答曰先生又嘗彈劍而歌云云于是孟嘗君不悅○刪苦怪反茅之類可為繩言其劍把無物可裝以小繩纏之也維音侯謂把劍之處也

長鋏歸來乎食無魚

右一

長鋏歸來乎出無車

右二

長鋏歸來乎無以為家

叶政
乎反

右三

松柏歌

戰國策秦使陳馳誘齊王建入秦遭之共處之松柏之間餓而死齊人怨建聽姦入賓客不蚤與諸

侯合從以亡
其國歌之云

松邪柏邪建共者客邪

一本作住建共者客
邪共地名屬河內

古詩紀卷一

欽定四庫全書卷

古詩紀卷二

明 馮惟訥 撰

古逸第二

歌下

狐裘歌

一作狐裘詩

左傳晉侯使士為二公子築蒲與屈不慎置薪焉夷吾訴之公使讓之士為對曰臣聞之無喪而感憂必讐焉無戎而城讐必保焉寇讐之保又何慎焉詩曰懷德惟寧宗子維城君其脩德而固宗子何城如之三年將尋師焉焉用慎退而賦曰

狐裘尨茸一國三公吾誰適從

尨茸亂貌言貴服多也公與二子為三適專主

也言城不堅則為公子所訴為公所讓堅之則為國讐不忠故不知所從

暇豫歌

國語曰晉優施通于驪姬姬欲害申生而難里克優施乃飲里克酒中飲優施起舞云云里克笑曰何謂苑何謂枯優施曰其母為夫人其子為君可不謂苑乎其母既死其子又有謗可不謂枯乎枯且有傷里克懼乃定中立之計

暇豫之吾吾

讀如魚

不如鳥鳥人皆集於苑

音

已獨集於

枯

暇閑豫樂也吾吾不敢自親之貌言里克欲為暇豫事君之道反不敢自親吾吾然其智曾不如鳥鳥苑

茂木也巴里克也喻人皆與奚齊克獨與申生也

龍蛇歌

見五

史記文公重耳奔狄其後反國賞從亡未及介子推子推欲隱從者憐之乃懸書宮門文公出見之曰此介子推也使人召之亡入縣上山中於是文公環縣上山而封之以為介推田號曰介山琴集曰士失志操介子推所作也一曰龍蛇歌○呂氏春秋劉向新序皆以為子推自作詩辭竝小異皆後錄于

有龍矯矯頃失其所五蛇從之周徧天下

叶後五反

龍饑無

食一蛇割股龍返其淵安其壤土四蛇入穴皆有處所



一蛇無穴號於中野

見說苑

有龍矯矯遭天譴怒

上聲

三蛇從之一蛇割股二蛇入國

厚蒙爵土餘有一蛇棄於草莽

有龍于飛周徧天下五蛇從之為之承輔龍反其鄉得

其處所四蛇從之得其露雨一蛇羞之橋死於中野

上叶

與反見呂

氏春秋

龍欲上天五蛇為輔龍已升雲四蛇各入其宇一蛇獨

怨終不見處所

見史記

有龍矯矯將失其所有蛇從之周流天下龍既入深淵
得其安所蛇脂盡乾獨不得甘雨

見新序

舟之僑歌

說苑曰晉文公出亡舟之僑去虞而從焉文公反國推可爵者而爵之擢可祿者而祿之舟之僑獨不與焉文公酌諸大夫酒酒酣文公曰二三子盍為寡人賦乎僑曰君子為賦小人請陳其辭云云遂歷階而去文公求之不得

有龍矯矯頃失其所一蛇從之周流天下龍反其淵安寧其處一蛇鬻乾獨不得其所

河激歌

列女傳曰女娟者趙河津吏之女也簡子南擊楚
津吏醉卧不能渡簡子怒欲殺之娟懼持楫走前
曰願以微軀易父之死簡子遂釋不誅將渡用楫
者少一人娟攘拳操楫而請簡子遂與渡中流為
簡子發河激之歌
簡子歸納為夫人

升彼河兮而觀清水揚波兮窅冥冥禱求福兮醉不醒
誅將加兮妾心驚罰既釋兮瀆乃清妾持楫兮操其維
蛟龍助兮主將歸呼來權兮行勿疑

段干木歌

呂氏春秋曰魏文侯過段干木之閭而軼之其僕曰君胡為軼曰此非段干木之閭軼段干木蓋賢者也吾安敢不軼其僕曰然則君何不相之於是君請相之段干木不肯受則君乃致祿百萬而時往館之國人相與誦之曰

吾君好正段干木之敬吾君好忠段干木之隆

鄴民歌

一作魏河內歌
一作漳水歌

史記曰魏襄王以史起為鄴令引漳水溉鄴以富魏之河內而民作歌云云○風雅逸篇云史起魏文侯時人

鄴有賢令今為史公

叶姑黃反

決漳水兮灌鄴旁終古烏鹵

兮生稻梁

楚人誦子文歌

說苑曰楚令尹子文之族有干法者廷理聞其令尹之族也釋之子文召廷理而責之遂致其族人於廷理曰不是刑也吾將死廷理懼遂刑其族人國人聞之曰若令尹之公也吾黨何憂乎乃與作歌曰

子文之族犯國法程廷理釋之子文不聽平聲恤顧怨萌
方正公平

楚人歌

說苑曰楚莊王築層臺延石千里延壤百里大臣
諫者七十二人皆死矣有諸御已者遠楚百里而
耕謂其耦曰吾將入諫王委其耕而入
見莊王遂解層臺而罷民楚人歌之曰

薪乎菜

叶此禮反

乎無諸御已訖無子乎菜乎薪乎無諸御

已訖無人乎

優孟歌

史記滑稽傳楚相孫叔敖病且死屬其子曰若貧
用若往見優孟居數年其子窮困負薪逢優孟曰
我孫叔敖子也父死時屬我貧困往見優孟孟即
為孫叔敖衣冠抵掌談語歲餘像孫叔敖楚王置
酒優孟前為壽莊王大驚以為孫叔敖復生也欲
以為相優孟曰楚相不足為也孫叔敖為楚相盡

忠為廉王得以伯今死其子貧困負薪以自飲食
必如孫叔敖不如自殺因歌云云莊王乃召孫叔
敖子而封
之寢立

山居耕田苦難以得食起而為吏身貪鄙者餘財不顧恥
辱身死家室富又恐受賊枉法為姦觸大罪身死而家
滅貪吏安可為也念為廉吏奉法守職竟死不敢為非

廉吏安可為也

風雅逸篇曰按此無音韻章句而史以為歌者不可曉豈當時槩括轉換借歌

聲以成之歟史不能述其音但記其義也又曰劉子玄議此事之妄幻然此傳以滑稽名乃優孟自為寓言爾

忼慨歌

一作楚商歌

文章流別孫叔敖碑曰叔敖臨卒將無棺槨令其子曰優孟曾許千金貸吾孟故楚之樂長與相君相善雖言千金實不貸也卒後數章莊王置酒以爲樂優孟乃言孫君相楚之功即忼慨高歌涕泣數行下若投首王王心感動覺悟問孟孟具列對即求其子而加封焉

貪吏而可為而不可為廉吏而可為而不可為貪吏而不可為者當時有污名而可為者子孫以家成廉吏而可為者當時有清名而不可為者子孫困窮被褐而負薪貪吏常苦富廉吏常苦貧

叶頻
眠反

獨不見楚相孫叔敖

廉潔不受錢

接輿歌

二見

論語楚狂接輿歌而過孔子○列仙傳曰陸通者楚狂接輿也好養生游諸名山嘗遇孔子而歌云
云後入蜀在
我眉山中也

鳳兮鳳兮何德之衰往者不可諫來者猶可追已而已

而今之從政者殆而

殆叶養里反

莊子曰孔子適楚楚狂接輿遊其門曰

鳳兮鳳兮何如德之衰也來世不可待往世不可追也

天下有道聖人成焉

謂可以成功

天下無道聖人生焉

全生而已

方今之時僅免刑焉福輕乎羽

叶羽反

莫之知載禍重乎

地莫之知避已乎已乎臨人以德

叶都本反已止也以德自尊而臨人也

殆乎殆乎畫地而趨

古音促言自拘束

迷陽迷陽無傷吾行吾

行卻曲無傷吾足

困學紀聞曰胡明仲云荆楚有草叢生脩條野人呼為迷陽其膚多刺故

曰無傷吾行無傷吾足

孺子歌

二見○文章正宗作滄浪歌

孟子曰有孺子歌云云孔子曰小子聽之清斯濯纓濁斯濯足自取之也○楚辭載此為漁父歌

滄浪之水清兮可以濯我纓滄浪之水濁

叶厨反

兮可以

濯我足

又滄浪歌

見文子

混混之水濁可以濯吾足乎
泠泠之水清可以濯吾纓乎

申包胥歌

吳越春秋曰子胥以吳兵伐楚入郢昭王出奔申包胥乃之秦求救倚哭於秦庭七日七夜口不絕聲哭已歌云云哀公大驚曰楚有賢臣若此吳猶欲滅之寡人無臣若斯者其亡無日矣為賦無衣之詩出師而送之

吳為無道封豕長蛇以食上國欲有天下政從楚起寡

君出在草澤

叶直北反

使來告急

被衣歌

莊子曰齧缺問道乎被衣被衣曰若正汝形一汝視天和將至攝汝知一汝度神將來舍神將為汝美道將為汝居汝腫焉如新生之犢而無求其故其言未卒齧缺睡寐被衣大說行歌而去之○堯之師曰許由許由之師曰齧缺齧缺之師曰王倪王倪之師曰被衣

形若槁骸心若死灰真其實知不以故自持媒媒晦晦

無心而不可與謀

叶蒲杯反

彼何人哉

叶戕西反故事也物不入於心故曰不以

故自持媒媒晦
晦芒忽無見也

楊朱歌

楊朱之友曰季梁疾大漸其子環而泣之請醫季梁謂楊朱曰汝奚不為我歌以曉之楊朱歌云云
俄而季梁之疾自瘳

天其弗識

叶施灼反

人胡能覺匪祐自天弗孽由人我乎汝

乎其弗知乎醫乎巫乎其知之乎

引聲歌

古今樂錄曰莊周者齊人也隱於山嶽潛王遣使齎金百鎰聘以相位周謝使者去引聲歌曰

天地之道近在胸臆呼噏精神以養九德渴不求飲饑

不索食避世守道志潔如玉

律叶魚反

卿相之位難可直當

巖巖之石幽而清涼枕塊寢處樂在其央寒涼回固

一作

周
可以久長

王子思歸歌

怨錄

楚之王子

質于秦作

洞庭兮木秋淠陽兮草衰去千乘之家國作咸陽之布

衣

庾信哀江南賦瀟陵夜獵猶是舊時將
軍咸陽思歸無復當時王子蓋用此事

漁父歌

三章○一作
波伍員歌

吳越春秋曰伍子胥逃楚與楚太子建奔鄭晉頃公欲因太子謀鄭鄭知之殺太子建伍員奔吳追者在後至江江中有漁父子胥呼之漁父欲渡因歌云云子胥止蘆之漪漁父又歌云云既渡漁父視之有饑色曰為子取餉漁父去子胥疑之乃潛深葦之中父來持麥飯鮑魚羹盞漿求之不見因歌而呼之云云子胥出飲食畢解百金之劍以贈漁父不受問其姓名不答子胥誠漁父曰掩子之盞漿無令其露漁父諾胥行數步漁者覆船自沈於江

日月昭昭乎寢已馳與子期乎

一作

蘆之漪

越絕載漁父歌云日

昭昭侵以施與子期南蘆之漪

右一

日已夕兮予心憂悲月已馳兮何不渡為事寢急兮將奈何

右二

蘆中人蘆中人豈非窮士乎

合上章為韻

右三

庚癸歌

左傳魯哀公十三年公會單平公晉定公吳夫差于黃池吳申叔儀作歌乞糧於公孫有山氏有山氏對曰梁則無矣粗則有之若登首山以呼曰庚癸乎則諾○註軍中不得出糧故為私隱庚西方

主穀癸北方主水傳言吳子
不與士共饑渴所以取亡也

佩玉榮兮余無所繫之旨酒一盛兮余與褐之父睨去聲

之榮然服飾脩也已獨無以為繫佩言吳王不恤
下一盛一器也褐寒賤之人言但視不得飲

紫玉歌

搜神記曰吳王夫差小女名玉悅童子韓重欲嫁
之不得乃結氣而死重游學歸知之往弔於墓側
玉形見顧重
延頸而歌云

南山有鳥北山張羅意欲從君讒言孔多悲結成疹歿

命一作身黃廬命之不造冤如之何羽族之長名為鳳凰

一日失雄三年感傷雖有衆鳥不為匹雙故見鄙姿逢
君輝光身遠心近何曾暫忘

徐人歌

劉向新序曰延陵季子將聘晉帶寶劍以過徐君
徐君觀劍不言而色欲之季子未獻也然其心已
許之使反而徐君已死季子於是以
劍帶徐君墓樹而去徐人為之歌

延陵季子兮不忘故脫千金之劍兮帶丘墓

劉向新序曰季子以

劍帶徐君墓樹徐人嘉而歌之曰延陵
季子不忘舊故千金之劍以帶丘墓

越人歌

欽定四庫全書

古詩
卷二

劉向說苑曰鄂君子皙泛舟於新波之中乘青翰之舟張翠蓋會鍾鼓之音單榜枻越人擁楫而歌於是鄂君乃揃修袂行而擁之舉繡被而覆之○鄂君楚王母弟也

今夕何夕兮蹇洲中流
今日何日兮得與王子同舟
蒙羞被好兮不訾詬耻
心幾煩而不絕兮得知王子山有木兮木有枝
心說君兮君不知

越謠歌

風土記曰越俗性率朴初與人交有禮封土壇祭以犬雞祝曰

君乘車我帶笠他日相逢下車揖
君擔簦我跨馬他日

相逢為君下

一本作卿雖乘車我戴笠後日相逢下
車揖我步行卿乘馬後日相逢君當下

河上歌

吳越春秋曰楚白喜奔吳吳王闔閭以為大夫與
謀國事吳大夫被離問子胥曰何見而信喜子胥
曰吾之怨與喜同
子不聞河上歌乎

同病相憐同憂相捄驚翔之鳥相隨而集瀨下之水因
復俱流胡馬望北風而立越燕向日而熙誰不愛其所
近悲其所思者乎

烏鵲歌

二章

欽定四庫全書

卷二

吳越春秋曰越王將入吳與諸大夫別於浙江之上羣臣垂泣越王夫人顧烏鵲啄江渚之蝦飛去

復來因

歌曰

仰飛鳥兮烏鳶凌玄虛兮號翻集洲渚兮優恣啄蝦矯
翻兮雲間任厥性兮往還音旋妾無罪兮負地有何辜兮

譴天飆獨兮西往孰知返兮何年心惛惛兮若割淚泣
泣兮雙懸

彼飛鳥兮鳶鳥已迴翔兮翕蘇心在專兮素蝦何居食
兮江湖徊復翔兮游颺去復返兮於乎始事君兮去家

終我命兮君都終來遇兮何辜離我國兮去吳妻衣褐
兮為婢夫去冕兮為奴歲遙遙兮難極冤悲痛兮心惻
腸千結兮服膺於乎哀兮忘食願我身兮如鳥身翔翔
兮矯翼去我國兮心遙情憤惋兮誰識

風雅逸篇註曰
吳越春秋作於

後漢人所載事多不
實此歌依託無疑

采葛婦歌

吳越春秋曰越王自吳還國勞身苦心懸膽於戶
出入嘗之知吳王好服之被體使國中男女入山
采葛作黃絲之布以獻之吳王乃增越之封賜羽
毛之飾几杖諸侯之服越國大悅采葛之婦傷越

王用心之苦乃

作若之何詩云

葛不連

一作延

蔓菜台台我君心苦命更之嘗膽不苦甘

如飴令我采葛以作絲女工織兮不敢遲弱於羅兮輕

罪罪號絺素兮將獻之越王悅兮忘罪除

叶魚羈反

吳王歡

兮飛尺書

叶商之反

增封益地賜羽奇几杖茵蓐諸侯儀羣

臣拜舞天顏舒

叶同書

我王何憂能不移

若何歌

一作采葛婦歌

嘗膽不苦味若飴今我采葛以作絲

離別相去辭

吳越春秋曰越王伐吳國人各送其子
於郊境之上作離別相去之辭曰

蹀蹀摧長慙兮摧戟馭受所離不降兮以泄我王氣蘇
三軍一飛降兮所向皆殂一士判死兮而當百夫道祐
有德兮吳卒自屠雪我王宿耻兮威振八都軍伍難更
兮勢如貔羆行行各努力兮於乎於乎

河梁歌

吳越春秋曰越句踐既滅吳霸諸侯號令於齊楚
秦晉皆輔周室秦厲公不如命句踐乃還吳越將

士西渡河以攻秦秦人懼自引咎越
乃還軍軍人悅樂作河梁之詩曰

渡河梁兮渡河梁舉兵所伐攻秦王孟冬十月多雪霜

隆寒道路誠難當陳兵未濟秦師降

胡江反

諸侯怖懼皆

恐惶聲傳海內威遠邦稱伯穆桓齊楚莊天下安寧壽
考長悲去歸兮河無梁

渡易水歌

一曰荆軻歌

史記曰燕太子丹使荆軻刺秦王太子及賓客知
其事者皆白衣冠以送之至易水之上既祖取道
高漸離擊筑荆軻和而歌為變徵之聲士皆垂淚
涕泣又前而為歌云云復為羽聲慨士皆瞋目

髮盡上指冠於是

荆軻就車而去

風蕭蕭兮易水寒

叶

壯士一去兮不復還

旋音

祠洛水歌

一作秦
始皇歌

古今樂錄曰秦始皇祠洛水有黑頭公從河
中出呼始皇曰來受天之寶乃與羣臣作歌

洛陽之水其色蒼蒼祠祭大澤倏忽南臨

一作征
古轉入湯

洛

濱醊禱色連三光

秦始皇時民歌

見水
經註

楊泉物理論曰秦築長城死者相屬民歌云
○魏陳琳飲馬長城窟行內四語與此同

生男慎勿舉生女哺用脯不見長城下尸骸相支柱

甘泉歌

見二

三秦記曰始皇作驪山陵周迴跨陰盤縣界水背陵郭使東西流運大石於渭北渚民怨之作甘泉之歌云

運石甘泉口渭水不敢流千人唱萬人謳金陵餘石大

如堰

亦見博物志

運石甘泉口渭水為不流千人一唱萬人相鈎金陵下

餘石大如篋土屋

見關中記

巴謠歌

茅盈內傳曰秦始皇三十一年九月庚子茅盈高祖濛於華山之中乘雲駕鶴白日昇天先是時有巴謠歌云云始皇聞謠歌而問其故父老其對曰此仙人之謠歌勸帝求長生之術於是始皇欣然乃有尋仙之志因改臘曰嘉平

神仙得者茅初成駕龍上昇入太清時下玄洲戲赤城
繼世而往在我盈帝若學之臘嘉平



古詩紀卷二

欽定四庫全書

集部

古詩紀卷五

三五

詳校官檢討

臣德生

侍讀

臣

孫球覆勘

總校官知縣

臣

楊懋珩

校對官中書

臣

李斯咏

謄錄監生

臣

朱坦

欽定四庫全書

古詩紀卷三

明 馮惟訥 撰

古逸第三

諠 吟附

康衢謠

一作康衢歌

列子曰堯治天下五十年不知天下治與不治與億兆願戴已與乃微服遊於康衢聞童兒謠云云堯喜問曰誰教爾為此謠童兒曰聞之大夫大夫曰古謠也

立我烝民莫匪爾極不識不知順帝之則

殷末謠

帝惑妲己玉馬走

叶養里反

綏山謠

列仙傳曰葛由者羌人也周成王時好刻木羊賣之一旦騎羊而入西蜀蜀中王侯貴人遣之上綏山隨之者不復皆得仙道故里謠云

得綏山一桃雖不得仙亦足以豪

黃澤謠

穆天子傳曰天子東遊于黃澤使宮樂謠云

黃之池

一作陀

其馬歆沙

歆轄也善問切沙叶音莎

皇人威儀

叶音俄

黃

之澤

叶達各反

其馬歆玉

叶音珎

皇人受

補註作壽

穀

叶同玉穀生也

白雲謠

三章

穆天子傳曰乙丑天子觴西王母于瑤池之上西王母為天子謠云

白雲在天山際

陵

自出

叶尺為反

道里悠遠山川間之將子

無死尚能復來

叶陵之反將請也尚庶幾也

天子答之云

予歸東土和治

一作洽

諸夏

叶後五反

萬民平均吾顧見女比

及三年將復而野

叶上與反傾還也復反此野而見汝也

天子遂驅升于奔山乃紀丌跡于奔山之石而樹之槐眉曰西王母之山還歸丌世民作憂以吟云

○奔山奔茲山日所入也

比徂西土

徂往也

爰居其野虎豹為羣於

讀曰鳥

鵲與處嘉

命不遷

言守此一方

我惟帝

帝天也

天子大命而不可稱顧世

民之恩流涕焮隕吹笙鼓簧中心翔翔

憂無薄也

世民之子

唯天之望

所瞻望也

西王母吟

見海外經

徂彼西土爰居其所虎豹為羣鳥鵲與處嘉命不遷我
惟帝女彼何世民又將去予吹笙鼓簧中心翺翔世民
之子維天之望

周宣王時童謠

史記作
童女謠

史記曰夏后氏之衰也有二龍止于帝庭而言曰
予褒之二君夏帝卜藏其玃歷夏殷莫敢發至厲
王之末發而觀之玃化為玄黿以入后宫童女遭
之而孕生女懼而棄之宣王之時童女謠云云適
有夫婦賣是器者宣王使執之逃于道見鄉者所
棄妖子哀而收之葬於寢寢人有罪請入棄女于
王以贖是為寢
姒幽王嬖之

檠弧箕服

叶

實亡周國

山桑曰檠弧弓也箕木名服矢房也○列子良弓之子必學為

箕箕蓋矢房舊說以為藏箕之箕非

鸛鵒諶

漢書五行志曰左氏傳魯文成之世童諶也至昭公時有鸛鵒來巢公攻季氏敗出奔齊居外野次乾侯八年死於外歸葬魯昭公名稠公子宋立是為定公

鸛之鵒之公出辱之鸛鵒之羽公在外野叶往饋之馬

叶鸛鵒踈踈

音誅叶周

公在乾侯徵褰與襦鸛鵒之巢遠哉

遙遙稠父喪勞宋父以驕鸛鵒鸛鵒往歌來哭

踈踈踈踈貌褰

袴也襦在外短衣也稠父昭公死外故喪勞衆父定公代立故以驕往歌來哭謂昭公生出歌死還哭也

魯童謠

家語曰齊有一足之鳥飛集於公朝止于殿前舒翅而跣齊侯怪之使使聘魯問於孔子子曰此鳥名商羊水祥也昔童兒屈脚振肩而跣且謠云云今齊有之其應至矣急告民趨治溝渠修隄防將有大水為災頃之大霖雨水溢泛諸國傷害民人唯齊有備不敗

天將大雨商羊鼓舞

晉獻公時童謠

左氏傳曰晉獻公伐虢圍上陽問於卜偃曰吾其濟乎偃以童謠對曰克之十月丙子旦日在尾月

在策鵠火中必是時也冬十二月丙子朔晉滅虢
虢公醜奔京師○漢書五行志曰周十二月夏十
月也言天
者以夏正

丙之晨龍尾伏辰均服振振取虢之旂鵠之賁賁音奔天

策煇煇火中成軍虢公其奔

龍尾尾星也日月之會曰辰日在尾故尾星伏不見

均同也戎事上下同服振振滅貌鵠鵠火星也賁賁鳥星之體也天策傳說星時近日星微煇煇無光耀也言丙子平旦鵠火中軍事有成功也

晉惠公時童謠

漢書五行志曰晉惠公賴秦力得立立而背秦內殺二大夫國人不說及更葬其兄恭太子申生而

不敬故詩妖作也後與秦戰為秦所獲立十四年而死晉人絕之更立其兄重耳是為文公遂伯諸侯

恭太子更葬

叶滋
即反

分後十四年晉亦不昌昌乃在其兄

叶虛
王反

趙童謠

史記趙幽繆王遷五年代地大動六年大饑民謠言云云七年秦人攻趙趙大將李牧將軍司馬尚將擊之李牧誅司馬尚免趙忽召葬將顏聚代之趙忽軍破顏聚亡去以王遷降○風俗通曰趙遷信秦反間之言殺其良將李牧而任趙括遂為所滅

趙為號秦為笑

平聲

以為不信視地上

一作

生毛

楚昭王時童謠

家語曰楚昭王渡江江中有物大如斗圓而赤直觸王舟舟人取之王怪之使使聘於魯問於孔子孔子曰此萍實也可剖而食之吉祥也唯霸者為能獲焉使者反王遂食之大美使來以告魯大夫大夫因子游問曰夫子何以知其然曰吾昔之鄭過乎陳之野聞童謠云云此楚王之應也是以知之

楚王渡江得萍實大如斗赤如日剖而食之甜如蜜

楚人謠

史記曰楚懷王為張儀所欺客死於秦至
王負芻遂為秦所滅百姓哀之為之語曰

楚雖三戶亡秦必楚

亡秦漢高
帝楚人也

吳夫差時童謠

述異記吳王夫差立春宵宮為長夜之飲造千石
酒鍾又作天池池中造青龍舟日與西施為水嬉
又有別館在句容楸梧
成林樂府云云是也

梧宮秋吳王愁

靈寶謠

靈寶要畧曰昔太上以靈寶五篇真文以授帝嚳
帝嚳將仙封之於鍾山至夏禹巡狩度弱水登鍾

欽定四庫全書

古詩集
卷三

山遂得是文後復封之包山洞庭之室吳王闔閭
出遊包山見一人自言姓山名隱居闔閭扣之乃
入洞庭取素書一卷呈闔閭其文不可識令人齋
之間孔子孔子曰丘聞童謠云云闔閭乃尊事之
吳王出遊觀震湖龍威丈人山隱居北上包山入靈墟
乃入洞庭竊禹書天地大文不可舒此文長傳百六初
若強取出喪國廬

包山謠

見楊方吳
越春秋

沈懷遠南越志曰牛女之分楊州之末土也爰有
太山寔曰秦望又有石簣峻起立內有金簡玉字

禹得金簡玉字書藏洞庭包山湖

攻狄謠

戰國策曰田單攻狄三月而不克齊嬰兒謠云

大寇若箕脩劍拄頤攻狄不能

叶年題反

下壘

一千有

枯丘

叶祛

其反大寇武寇也壘枯丘謂空守一丘為壘說苑作梧丘地名也通鑑云攻狄不能下壘枯骨成丘

秦人謠

見張衡西京賦註

虞喜志林曰秦穆公夢之天帝所奏鈞天樂賜以金策祚世之業當時有謠云

天帝醉秦暴金誤隕石墜

風雅逸篇註曰張平子曰昔者天帝說秦穆公而覲之饗

以鈞天廣樂帝有醉馬乃為金策賜用此土而剪諸鵠首即此說也蓋憤亂疾世若詩所謂視天夢夢者

泗上謠

水經註周顯王四十二年九鼎淪沒泗淵秦始皇時見於泗水始皇大喜使數千人入水系而行未出龍齒斷其系故泗上為之謠云

稱樂太早絕鼎系

三秦記民謠

武功太白去天三百孤雲兩角去天一握山水險阻黃

金子午蛇盤烏櫟勢與天通

水經註楚道謠猶溪赤木盤蛇七曲盤羊烏櫟勢與

通天

河圖引蜀謠

汶阜之山江出其腹帝以會昌神以建福

列女傳引古謠

食石食金鹽可以支常久食石食玉豉可以得長壽

誦

文心雕龍曰頌主告神義必純美晉輿之稱原田
魯民之刺裴韞直言不詠短辭以諷丘明子高竝
謀為誦斯則野誦之
變體沒被乎人事矣

有焱氏頌

莊子天運篇北門成問於黃帝曰帝張咸池之樂
於洞庭之野云云帝曰天機不張而五官皆備此

之謂天樂無言而心說
故有焱氏為之頌曰

聽之不聞其聲視之不見其形克滿天地苞裹六極

此註

乃無樂之樂
樂之至也

輿人誦

國語曰晉惠公入而背內外之賂輿人誦之云云
○惠公獻公庶子夷吾也外秦內里丕也輿衆也
不歌
曰誦

佞之見佞

叶稱因反

果喪其田

音與陳同

詐之見詐

叶莊助反

果喪其

賂得國而狃終逢其咎喪田不懲禍亂其興

佞謂里丕詐謂秦見

按見詐俱謂惠公也喪田喪賂謂不得其賂地狂悖也
咎謂惠公敗於韓不懲謂王鄭復欲與秦共納重耳惠
公殺之

恭世子誦

國語晉惠公改葬恭世子臭達于外國人誦之曰
○其世子申生也獻公時申生葬不如禮故改葬
之惠公烝於獻公夫人賈君故申生
臭達于外不欲為無禮者所葬也

貞之無報

叶敷救反

也孰是人斯而有是臭也貞為不聽信

為不誠國斯無刑媮居幸生不更厥貞大命其傾威兮

懷

叶胡威反

兮各聚爾有以待所歸兮猗兮違兮心之哀

叶於

希
反 兮歲之二七其靡有微兮若翟公子吾是之依兮鎮

撫國家為王妃兮

貞正也以正葬之而不見聽也信心行之不見誠也刑法也言惠公偷竊

居位微幸而生威畏也懷思也言國人畏惠公思重耳也猗歎也違去也二七十四歲也微亡也靡有微者亦亡謂子圉也翟公子指重耳時出居於翟也言重耳當霸諸侯為王妃耦

輿人誦

一作歌

左傳晉侯宋公齊國歸父崔夫秦小子慙次於城濮楚師背鄆而舍晉侯患之聽輿人之誦云云○鄆尸圭反丘陵險阻名晉侯恐衆畏險故聽其歌誦

原田每每

平聲

舍其舊而新是謀

音媒高平曰原喻晉軍美盛若原田之草每每

然可以謀立新
功不足念舊惠

朱儒誦

一作歌

左傳襄公四年邾人莒人伐鄆臧
紇救鄆敗于狐駘國人誦之曰

臧之狐裘

叶渠之反

敗我於狐駘

叶盈之反

我君小子朱儒是使

朱儒朱儒使我敗於邾

狐裘大夫之服襄公初弱故曰小子臧紇短小故曰朱儒

子產誦

二章○
一作歌

左傳曰鄭子產從政一年與
人誦之云云及三年又誦之

取我衣冠而褚之
取我田疇而伍之
孰殺子產吾其與

之

褚衣裳也衣冠非
法者收之不敢服

又誦

我有子弟子產誨

古叶
志

之我有田疇子產殖

叶時
吏反

之子

產而死誰其嗣之

孔子誦

二章○辭亦見
家語孔叢子

呂氏春秋曰孔子始用於魯魯人驚誦之
云云及三月政成化既行又作誦云云

麇裘而鞞

叶毗臂反孔叢
子作鞞下同

投之無戾鞞之麇裘投之無

郵

麇鹿子也其皮以為裘加褐衣以朝
天子也芾小貌投棄也戾郵皆罪也

又誦

袞衣章甫實獲我所章甫袞衣惠我無私

袞衣公侯服也章甫儒冠

也

齊人頌

七略作齊語

史記荀卿趙人年五十始來遊學於齊騶衍衍迂大而閎辨奭也文具難施淳于髡久與處時有得

善言故齊

人頌曰

天口騶談天衍雕龍奭炙轂過髡

史記無天口騶三字騶田騶也騶衍所言

五德終始天地廣大故曰談天騶奭脩衍之文飾若雕鏤龍文故曰雕龍過字作輶輶者車之盛膏器也炙之

雖盡猶有餘流言淳于
髡智不盡如炙輶也

古詩紀卷三

欽定四庫全書

古詩紀卷四

明 馮惟訥 撰

古逸第四

琴操

神人暢

古今樂錄曰堯郊天地祭神座上有響謨堯曰水
方至為害命子救之堯乃作歌謝希逸琴論曰神
人暢堯帝所作○風俗通曰凡琴曲和
樂而作命之曰暢憂愁而作命之曰操

清廟穆兮承予宗百寮肅兮于寢堂
醑禱進福求年豐

有響齔

在坐敕予為害在玄中欽哉昊天德不隆承命

任禹寫中宮

堂徒紅切吳才老韻引楊諫議銘太尉在漢四世以公於陵正直僕射於唐唐可叶

公則堂亦當為此叶○害一本作害

南風歌

玉海逸詩

家語曰昔者舜彈五絃之琴造南風之詩其詩云云樂書舜歌南風而天下治太史曰南風者生長之音也舜樂好之樂與天地同意得萬國之離心故天下治也

南風之薰兮可以解吾民之愠兮南風之時兮可以阜

吾民之財兮

愠叶平聲財叶前西反

南風操

琴操以

為舜作

反彼三山兮商岳差戾天降五老兮迎我來歌有黃龍
兮自出于河負書圖兮委蛇羅沙案圖觀識兮閔天嗟
嗟擊石拊韶兮淪幽洞微鳥獸蹒蹒兮鳳凰來儀凱風
自南兮喟其增悲

思親操

古今樂錄曰舜遊歷山
見鳥飛思親而作此歌

陟彼歷山兮崔嵬有鳥翔兮高飛瞻彼鳩兮徘徊河水
洋洋兮清泠深谷鳥鳴兮嚶嚶設置張罟兮思我父母
力耕日與月兮往如馳父母遠兮吾將安歸

襄陵操

一曰禹
上會稽

書曰湯湯洪水方割蕩蕩懷山襄陵浩浩滔天
古今樂錄曰禹治洪水上會稽山顧而作此歌

嗚呼洪水滔天下民愁悲上帝愈咨三過吾門不入父

子道衰嗟嗟不欲煩下民

古音
終

箕子操

一曰箕
子吟

古今樂錄曰紂時箕子佯狂痛宗廟之為墟乃作此歌後傳以為操

嗟嗟紂為無道殺比干嗟重復嗟獨奈何漆身為癩被髮以佯狂今奈宗廟何天乎天哉欲負石自投河嗟復嗟奈社稷何

岐山操

琴苑要錄曰岐山操者周太王之所作也太王居邠狄人攻之事之以珠玉犬馬皮幣狄侵不止問其所欲得土地也太王曰土地所以養萬民也吾不爭所用養而害吾所養遂策杖而去之踰梁山而邑乎岐山喟然歎息援琴而鼓之

狄戎侵兮土地遷移邦邑適於岐山烝民不憂兮誰者
知嗟嗟奈何兮予命遭斯

拘幽操

古今樂錄曰拘羑里者
謂紂拘文王於羑里也

殷道溷溷浸濁煩

叶分
沿反

兮朱紫相合不別分

叶膚
眠反

兮迷

亂聲色信讒言兮炎炎之虐使我愆兮

古今樂錄作閭
閭之虎使我褰

兮虎蓋謂
崇侯也

幽閉牢穽由其言兮邁我四人憂勤勤

叶音
虔

兮

四人謂大顛閭夭散宜生南宮适求美女寶玉白馬
朱鬣以獻于紂紂立出西伯○兩山墨譔曰此操見

通鑑外紀詳其辭意怨
誹淺激非文王語也

文王操

玉海作文
王鳳凰歌

琴操曰紂為無道諸侯皆歸文王其
後有鳳凰銜書于郊文王乃作此歌

翼翼翱翔

一作翔翔

彼鳳

一作鸞

凰兮銜書來遊以會

一作命

昌

兮瞻天案圖殷將亡兮蒼蒼之

一作昊

天始有萌兮五神

連精合謀房兮

一作精連神
合謀於房兮

興我之業望來羊兮

克商操

一曰武
王伐紂

謝希逸琴論曰克商
操武王伐紂時制

上告皇天兮可以行古叶先韻乎

越裳操

琴操作越裳操

琴操曰越裳操周公所作也周公輔成王成文王之王道越裳重九譯而來獻白雉周公乃援琴而歌之遂受之獻於文王之廟

於戲嗟嗟非旦之力也乃文王之德也一無二也字

神鳳操

一曰鳳凰來儀玉海作周成王儀鳳歌

古今樂錄曰周成王時鳳凰翔舞成王作此歌

鳳凰翔兮於玉海云一作舞紫庭予何德兮以感靈賴先人兮

恩澤臻于胥樂兮民以寧

初學記引此宋符瑞記亦載此臻字作輳

履霜操

琴操曰尹吉甫之子伯奇無罪為母所讒而見逐乃集艾荷以為衣採梔花以為食晨朝履霜自傷見放于是以援琴鼓之而作此操○吉甫周宣王時人

履朝霜兮採晨寒

叶胡十反

考不明其心兮聽讒言狐息別

離兮摧肺肝

叶經天反

何辜皇天兮遭斯愆痛沒不同兮恩

有偏誰能流顧兮知我冤

別鶴操

崔豹古今註曰別鶴操商陵牧子所作也娶妻五年而無子父母將為之改娶其妻聞之中夜起倚戶而悲嘯牧子聞之愴然而悲乃援琴而鼓之

將車比翼兮隔天端山川悠遠兮路漫漫攬衣不寐兮

食

或作辰

忘餐

古今註無三分字攬衣作搥食

龜山操

琴操曰季桓子受齊女樂孔子欲諫不得退而望魯龜山作此曲以喻季氏之蔽魯也

予欲望魯兮龜山蔽之手無斧柯

叶於離反

奈龜山何

叶寒反

息鄒操

孔叢子曰趙簡子使聘夫子將至焉及河聞鳴犢
實擊之見殺也迴輿而旋之衛息鄆為操云云家
語曰還息於鄆作樂
琴以哀之卽此歌也

周道衰微禮樂陵遲文武既墜吾將焉歸周遊天下靡
邦可依鳳鳥不識珍寶集鷦鷯眷然顧之慘然心悲巾車
命駕將適唐都黃河洋洋攸攸之魚臨津不濟還轅息
鄆傷予道窮哀彼無辜翱翔于衛復我舊廬從吾所好

其樂只且

風雅逸篇曰按朱子曰孔叢子紀孔子事多
失實非東漢人之書琴操一書載堯舜文武

孔子之詞尤謬知者可一覽而悟也然其詞猶效古而
偽撰者亦出於魏晉人之手相傳既久姑錄之水經注

又載臨河歌事與息鄒將
歸序同其詞全異見前

將歸操

琴操孔子將西見趙簡
子至河而返作將歸操

翱翔于衛復我舊居從吾所好其樂只且

槃操

事與前同又
名息陬操

乾澤而漁蛟龍不遊覆巢毀卵鳳不翔留慘予心悲還
原息陬

猗蘭操

一曰幽
蘭操

琴操曰孔子厓聘諸侯諸侯莫能任自衛反魯隱
谷之中見薜蘭獨茂喟然歎曰蘭當為王者香今
乃與衆草為伍止車援琴鼓
之自傷不逢時託辭於蘭云

習習谷風以陰以雨之子于歸遠送于野何彼蒼天不
得其所逍遙九州無所定處時人闇蔽不知賢者年紀

逝邁一身將老

叶滿
補反

歸耕操

二
見

琴操曰曾子事孔子十有餘年晨覺養然念
二親年衰養之不備也於是援琴而歌之

竭來歸耕歷山盤兮以晏父母我心博兮

琴
操

戲歛歸耕來兮安所歸耕歷山盤兮

琴清英

雉朝飛操

崔豹古今注曰雉朝飛者牧犢子所作也齊處士
泯宣年五十無妻出薪於野見雉雄雌相隨而飛
意動心悲乃作雉朝飛之操以自傷焉其聲中絕
○揚雄琴清英曰衛女傅母之所作也說見樂府

詩集

雉朝飛兮鳴相和雌雄羣遊於山阿我獨何命兮未有
家叶時將莫兮可奈何嗟嗟莫兮可奈何

水仙操

琴苑要錄曰水仙操伯牙之所作也伯牙學琴於成連三年而成至於精神寂寞情之專一未能得也成連曰吾之學不能移人之情吾師有方子春在東海中乃貴糧從之至蓬萊山留伯牙曰吾將迎吾師刺船而去旬時不返伯牙心悲延頸四望但聞海水汨沒山林窅冥羣鳥悲號仰天歎曰先生將移我情乃援琴而作此歌

緊洞渭兮流漸獲舟楫逝兮仙不還移形素兮蓬萊山
歎欽傷宮仙石還

伯姬引

琴苑要錄曰伯姬引者保母之所作也伯姬魯女也為宋共公夫人公薨伯姬執節守貞魯哀公三

十年采宮災伯姬在焉有司請曰火將至矣伯姬曰吾聞婦人夜出不見傳母不下堂逮乎火而死其母自傷行遲悼伯姬之遇災提琴而歌

嘉名潔兮行彌彰托節鼓兮令躬喪歟欽何辜遇斯殃嗟嗟奈何罹斯殃

貞女引

彤管集作處女吟

琴苑要錄曰貞女引者魯漆室女之所作也漆室女倚柱悲吟而嘯鄰人謂曰欲嫁耶何吟之悲也漆室女曰嗟乎吾傷民心悲而嘯豈欲嫁哉自傷懷潔而為鄰人所疑於是褰裳而去之入山林之中見貞女之廟喟然歎息援琴而歌云云自縊而死繫骸骨於林兮附神靈於貞女故曰貞女引樂

錄曰魯處女見女貞木而作歌亦謂之女貞木歌
○山海經曰太山多貞木典衍曰女貞木者少陰
之精冬
不落葉

菁菁茂木隱獨榮兮變化垂枝含蕤英兮脩身養志建

令名兮厥道不同

一作積

善惡并兮屈躬就濁世疑清兮

一作屈身身
獨去微清兮

懷忠見疑何貪生兮

思歸引

二見

琴苑要錄曰思歸引者衛女之所作也昔衛侯有
女郎王聞其賢請聘之未至而王薨太子欲留之
女不聽拘於深宮欲歸不
得援琴而歌曲終縊而死

涓涓泉水流及于淇兮有懷于衛靡日不思執節不移
兮行不隳矜軻何辜兮離厥菑嗟乎何辜兮離厥菑

琴苑

要錄

涓涓淇水流于淇兮有懷于衛靡日不思執節不移兮

行不詭隨坎珂何辜兮離厥菑

風雅
逸篇

霹靂引

琴苑要錄曰霹靂引楚商梁之所作也商梁出遊
九臯之澤覽浙水之臺引眾置周於荆山臨曲池
而漁疾風實電雷電奄冥大水四起霹靂下臻雙
然而驚其僕曰孤虛設張八宿相望熒惑于角五

星失行此國之大變也君其返國矣於是商梁返
室援琴歎之韻聲激發象霹靂之聲故曰霹靂引
楚商梁老或云楚
莊王也聲之誤耳

疾雨盈河霹靂下臻洪水浩浩滔厥天

叶鐵因反

鏗趨隆愧

隱隱闐闐國將亡兮喪厥年

叶知林反

獻王退怨歌

琴操曰卞和者楚野民得玉璞以獻懷王王使樂
正子占之言玉石以為欺謾斬其一足懷王死子
平王立和復獻之又以為欺斬其一足平王死子
立為荆王欲獻之恐復見害乃抱玉而哭涕盡繼
之以血荆王使剖之中果有玉乃封
和為陵陽侯辭不受而作退怨之歌

悠悠沂水經荆山

叶輸
旃反

精氣鬱洽谷巖巖中有神寶灼

明明

叶謨
郎反

穴山采玉難為功

叶音
光

於何獻之楚先王遇

王暗昧信讒言

叶魚
斤反

斷截兩足離余身俛仰嗟歎心摧

傷紫之亂朱紛墨同

叶徒
黃反

空山歔歔涕龍鍾

叶諸
良反

天鑒

孔明竟以彰沂水滂沛流于汶

叶微
勻反

進寶得朋足離分

叶方
惜反

斷者不續豈不怨

叶紆云反○風雅逸篇曰此歌
出琴操其敘述和事與正史亦

異果和
所作耶

琴引

琴苑要錄曰琴引者秦時倡屠門高之所作也秦為無道奢淫不制徵天下美女以充後宮乃縱酒離宮作戲倡優宮女侍者千餘人屠門高見宮女幼妙寵麗於是援琴而歌之作為離鵠之操曲未及終琴折柱摧弦音不鳴舍琴而更援他琴以續之云云

酒坐俱毋往聽吾琴之所言舒長袞似舞兮乃褕袂何曼奏章而却逢兮願瞻心之所驩借連娟之寒態兮假卮酒酌五般泣喻而妖兮納其聲聲麗顏歌長楸兮歎曰騎美人薜旒紛嬋榭霜羅衣兮羽旄夜褰圭玉珠參差妙麗兮被雲鬢登高臺兮望青瑛常羊啖還何厭兮

欽定四庫全書

古詩
卷四

歸來

字訛不可讀
俟再攷正

偕隱歌

琴清英曰祝牧與
妻偕隱作琴歌云

天下有道我散子佩天下無道我負子戴

窮劫之曲

以下不入琴操以
其琴歌故附於此

吳越春秋曰楚樂師庖子非荆王信讒佞殺伍奢
白州犁而寇不絕於境又傷昭王困迫乃援琴為
楚作窮
劫之曲

王耶王耶何乖劣不顧宗廟聽讒孽任用無忌

費無
忌也多

所殺誅夷白氏族幾滅二子東奔適吳越

二子謂伍子胥白喜也

吳王哀痛助忉怛垂涕舉兵將西伐伍胥白喜孫武決
三戰破郢王奔發留兵縱騎虜京闕楚荆骸骨遭掘發
鞭辱腐屍耻難雪幾危宗廟社稷滅莊王何罪國幾絕
卿士淒愴民惻悵吳軍雖去怖不歇願王更隱撫忠節
勿為讒口能謗襲

鼓琴歌

一作鼓琴歌

史記趙武靈王夢見處女鼓琴而歌詩云云異日
王飲酒樂數言所夢想見其狀吳廣聞之因夫人

欽定四庫全書

卷四

而內其女娃羸孟姚也蓋姚甚有寵於王是為患后

美人熒熒兮顏若若之榮命乎命乎曾無我羸

言有命祿生遇

其時人莫知已貴盛盈滿也

子桑琴歌

莊子曰子輿與子桑友而霖雨十日子輿曰子桑殆病矣裹飯而往食之至子桑之門則若歌若哭鼓琴云云子輿入曰子之歌聲何故若是曰吾思夫使我至此極者而不得也父母豈欲吾貧哉天地豈私貧我哉然而至此極者命也

父邪母邪天乎人乎

相和歌

莊子曰子桑戶孟子反子琴張三人相與友子桑戶死未葬孔子使子貢往侍事焉或編曲或鼓琴相和而歌曰

嗟來桑戶乎嗟來桑戶而已反其真而我猶為人猗

琴女歌

燕丹子曰荆軻刺秦王右手執匕首左手把其袖秦王曰乞聽琴聲而死琴女奏曲云云王從其計軻不解琴故及於難

羅縠單衣可掣而絕三尺屏風可超而越鹿盧之劍可



負而拔

史記荆軻左手把王之袖而右手持匕首搥之未至身秦王驚自引而起袖絕拔劍劍長操其

室時惶急劍堅拔不可立拔左右乃曰王負劍負劍遂拔以擊荆軻

琴歌

三首

風俗通曰百里奚為秦相堂上樂作所賃澣婦自言知音因援琴撫弦而歌問之乃其故妻還為夫婦也亦謂之虞唐歌

百里奚五羊皮憶別時烹伏雌炊麋廐今日富貴忘我為

百里奚初娶我時五羊皮臨當相別時烹乳雞今適當

貴忘我為

百里奚百里奚母已死葬南谿墳以瓦覆以柴春黃藜
搯伏雞西入秦五羖皮今日富貴捐我為

琴歌

見水經註

列女傳曰齊人杞梁殖襲莒戰死其妻哭於城下七日而城崩故琴操云殖死其妻援琴作歌

樂莫樂兮新相知悲莫悲兮生別離

古詩紀卷四